



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Benedictus Redivivus Hoc est: Benedictinij Ordinis  
Vetustißimi Amplißimique, Nostra, ac supera ætate  
Jmmarcescibilis Vigor, ac Viror**

**Bucelin, Gabriel**

**[Veldkirch], Anno Christi. M.DC.LXXIX.**

lesu Christi Annus. M.D.XVII. Sancti Patris Benedicti M.XXXVII.

**urn:nbn:de:hbz:466:1-38498**

nomine Religione & meritis virum, ob editum Stenographiæ opus subtilissimum in suspensionem non solum Magiæ vocare auri sunt, sed & publicè damnare, libròsque omni dignos aternitate, omnium gentium admiratione & veneratione, ipsiusmet tanti Præfulis sanctissima scriptos manu, ignominiosissime exurere, quorum tamen gloriosissimum omnino Vindicem egit, & assertorem integritatis Trithemianæ serenissimus ac potentissimus Princeps Dominus Dominus Augustus D. G. Dux Brunsvicensis & Lunaburgensis, Princeps eruditissimus, & libris novem ignorantiam illam Censorum adeo temerariorum Orbi universo prodidit, & sanctissimæ memoriæ Principi Ferdinando II. Imperatori Augusto anno Christi M. DC. XXIV. dedicavit, sub hoc Operis Titulo:

GUSTAVI SELENI  
CRYPTOMENTICES ET CRYPTOGRAPHIÆ Libri IX.

In quibus & planissima

STEGANOGRAPHIÆ

Joanne Trithemio Abbate Spanheimensi & Herbipolensi, admirandi ingenij viro, magicè & enigmaticè olim conscriptæ

Enodatio Traditur.

Insuperis ubique Authoris ac Aliorum, non contemendis inventis.

Meruimus ipsiusmet serenissimi Principis dono opus præfatum, nec sine magna animi consolatione, de tanto Nominis & famæ Tanti Abbatis Assertore gratulabundi, in frontispicio libri tabellæ cupreæ inciso, quantum Trithemio deferret Dux & Princeps tantus, facile animadvertimus, cum Ipse stans à tergore sedentis, & scribentis tanti ingenij virum, meritissimumque honoraturus caput, huic Ducalem suum pileum sive cidarim imponeret; summa revera Venerationis contestatione, & memorabili litterarum & litteratorum omnium Meccenatis, illorum tantopere colendorum exemplo, potentissimo illos confundere, qui sæpè de viris doctissimis & meritissimis, stulta & temeraria indebitæ sibi gloriæ ambitione, nequissimè detrahere non erubescunt. Vivit & viveret aeternum Trithemius,

non in perenni solum eruditorum memoria, sed vel maximè in Religiosorum omnium pectoribus; Redivivus quotidie in suis exhortationibus, neque Redivivus solum, sed & resuscitans, & resuscitaturus deinceps innumeros ad novam & sanctam Vitæ Reformationem; de quo tanto Præfule & Exhortatore merito sibi totus Benedictinus Ordo gratulatur. Evocatur ad superos B. Nicolaus de Prato, Conceptionis Immaculatæ Assertor mirificus, revelato sibi obitus die quem & disertè alijs prænuñciavit. Ipso anno Vitæ etiam cursum implet & communem mortalium viam ingreditur Petrus Gouffier Abbas S. Dionysij Parisiensis, frater. Arturi magni Franciæ Magistri Adriani Sacræ Rom. Ecclesiæ Cardinalis Guilielmi Admiralij, & Aymardi Abbatis Cluniacensis Episcopi Albiensis mortuus 8. Januarij cum non nisi duodecim annis præfuisset.

Petrus  
Gouffier  
Abb. S.  
Dionysij  
Parisienfis.

IESU CHRISTI ANNUS. M.D.XVII.  
Sancti Patris Benedicti M. XXXVII.

IN Italia admirabili effulget vitæ sanctitate Venerabilis Maria Catharina Brugora Monialis Monasterij S. Margaritæ Virginis & Martyris Mediolani, Congregationis Casinensis; nata in eadem Urbe anno salutis patre millesimo quadringentesimo octuagesimo nono, Patre Bartholomæo Brugora, Matre Leonora Bolla, in cuius etiamnum infantia, stupenda omnino signa se prodidere futuræ sanctitatis, & tanta quidem, ut in tenella ætate, altera quasi Catharina Senensis, in vita reliqua [teste Francisco Rugeiro in libro Vitæ ejusdem Brugora approbato] ob creberrimas & Cælestes revelationes altera Brigitta, ob raptus atque extases, altera Catharina Rizzia Florentina; ob vitæ asperitatem & iuges cornusculi mortificationes, altera S. Paula à S. Hieronymo tantopere celebrata; ob suam cum Angelo Custode familiarem consuetudinem altera S. Francisca Romana haberetur. Ut in hac Redivivam Benedicti Patris sororem scholasticam, restitutum primævum Benedictinarum Virginum & Viraginum Spiritum, ac minimè abbreviatam DEI manum, crudissimo hoc sæculo merito suspiciamus; & cum

B. Catharina  
Brugora monialis  
Mediol.

libri

libri Authore in illa Claudiani consonè prorumpamus:

*Quæ sparguntur in omnes  
In Te [ô Venerabilis Brugora] mixta  
fluunt & quæ divisa beatos Perficiunt col-  
lecta tenet.*

DE UM autem ter Optimum Maximum, in hac electissima sponfa sua toto corde & animo magnificemus, & veneremur. *Ex Vita citata.*

Inter præclarissima, hoc etiam anno sydera Ecclesiæ, & Benedictini Ordinis columnina referendus Venerabilis memoria Petrus Quirinus, ex Patricio Veneto sanctissima & florentissima Congregationis Camaldulensis Monachus, de quo supra, sub hoc modo tempus, propter egregiam Vitæ sanctitatem & doctrinæ eminentiam invitatus admodum & reluctans à latere Beati Pauli Justiniani meritissimi Camaldulensium Reformatoris abreptus, & ad exornandum Eminentissimum Patrum Purpuratorum Sacræ Rom. Ecclesiæ Cardinalium senatum & Cænobio extractus, & Cardinalis renunciatus incomparabile tanti Honoris ipsius ornamentum; inter tot mortalium applausus sibi miserrimus visus & vilissimus, adeo Monachici rigoris tenax, ut eo ipso, quod ad Tantæ Eminentia: culmen raptus esset, majore etiam connifu ad ardua virtutum sibi enitendina arbitraretur, suspectissimam habens mundi gloriam, & ipso purpuræ contuitu expavescens necdum ad sanguinem usque se pro Christo ejusque Ecclesiæ laborasse. Et mirabili exemplo cæteris Patribus Purpuratis fuit, exemplar veri & solidi Ecclesiæ Romanæ Cardinalis, ejus contuitu Christi fideles omnes salubriter moverentur, & Romani in primis Proceres sacra purpuræ dignitatem & aestimare nosset, & venerari. *Ex Romualdinus Montm.*

*Petrus Quirinus C. Camald.*

*Fit S. R. E. Cardinalis.*

*Speculum omnium Cardinalium.*

*Antonius Boherius & ipse fit Cardin.*

Eodem anno, ad parem Cardinalia dignitatis honorem Romam evocatus est Antonius Boherius noster ex Gemmeticensis Cænobij Monacho Bituricensium meritissimus Archiepiscopus & Galliarum Primas, qui idem Eminentissimum Orbis Christiani Collegium egregiæ Virtutis fama & exemplis, non minus quam Quirinus ante dictus, honorabile reddidit; omnesque numeros veri Cardinalis, &

Christiana Reipublica consulis explevit. Ut nihil porro sit, quod ad hujus anni splendorem desideres, imo habeas quæ sufficiant, ad totius sæculi præsentis ornamentum, sequuturorum excitamentum.

*IESU CHRISTI ANNUS. M.D.XVIII.  
Sancti Patris Benedicti. M.XXXVIII.*

NE cui Regnorum seu Provinciarum cederent Galliarum amplissima Regna ibi se vel maximè Benedictus prodit Redivivus, primævus exierit Benedictinus Spiritus, non unâ, ut supra memoravimus, Lirinensi Insula, conclusus, sed per amplissimas tanti Regni oras effusus, atque intima ejusdem viscera complexus, neque viris solis, sed & tenerimis Virginibus, viriliter fortia aggressis, & primævum Ordinis rigorem sponte refundentibus, eo rertum successu ut Rex etiam ipse tanta Religiosorum, & Religiosarum in primis Virginum sancta Generositate accensus, ipsidem omni modo consultum cuperet, & Reformationi gratiosissimè faveret. Et vero licet in plurimis Galliarum Cænobijs, ea diligentia & cura superiorum, res ita fuerint constitutæ, ut nullus omnino in disciplina Monastica defectus appareret, eaque inter Cænobium Illustrissimarum Virginum sancti Petri Remensis, à S. Clotilde Galliarum olim Regina extructum, & à sanctis Balderico ejusque sorore Bona restauratum, ab incredibili studio observantiæ Regularis omni tempore commendatum fuerit & celebratum; provocatum nihilominus sub hoc tempus, recentibus è cælo flammis multorum accendentibus corda & novum fervorem concitantibus, Religiosissimorum Virorum & Virginum exemplis & studijs, nulli omnino talium sacri rigoris ultronea ex ambitione cedendum censuit; & in hoc ipso generosissimè & gloriosissimè elaboravit. Cooperatus strenuè Reformationis negotio fuit Stephanus de Poncher, Juris olim Pontificij & Imperatorij Interpres celeberrimus, atque in amplissimo Galliarum Senatu Præsicens, ex Procancellario Franciæ Archiepiscopus Parisiensis, Benedictini Ordinis amator & Zelator singularis, cui electo gratulatus Joannes Raulinus noster, ipsum

*Virginum cum viris pia amulatio.*

*S. Petri Remensis Illustrissimum Cænobium.*

*Stephanus de Poncher Promotor Ordinis.*